

مجموعه ابو الضحی

ماسوا شایسته شدن دلی تطهیر به چالش
بر تو حکمت و عرفان ابله تنویر آتش

هر ماه عربی ابتدای سیله اون بشنده نشر اول نور فنون مجموعه سیدر

تیا ترو فکرک خیالاتنه وجدان، وجدانک علویاتنه جان، جانک حیاته
 لسان و پر. خیال عوالم علویه ایچنده آرایه آرایه تاب و طاقتدن کسلدکن
 صکره انزوا خانه فتوره چکیلوبده اطرافنه اماله، نگاه ایله متحسرانه
 عرض اشتیاق ایتدیکی او نازنین دلربای سعادتی تیا ترو معرضلنده بر
 شاعمرک اقبالخانه تصویزنده پرورش بولمش، خزینه الغیب طبعیتک بیک
 جواهر معرفتیه زینتیاب اولمشده خرام نظر فریسه پریشان صاحبزینی
 موج انکیز لطافت ایدرک بر بختیار عائله نك لذائذ حیاتدن استفاده سنه
 خدمت ایچون ملک مؤکل مقامنه قائم اولمش کورر. (مابعدی کلدجک برزوده)

طقوزنجی مکتوب

« زولی » دن « سن پرو » بد

آکلا یورم؛ فسق و مثالب لذائذیه فضل و عفت شرفی سعادت
 حالگری حصوله کنوره جک. اخلاق و آدابگر بوندن عبارتیمدر؟..
 ایواه عزیزم، کریم و جواد اولمقدن پک تیز اوصانیورسگر! یوقسه بو
 صنعت سزده جعلی می ایدی؟ محمندن شکایتگر محبتگره غریب اماره در!
 عجا محبت مجنونانه مک بنای وجودمی تخریب ایتدیکنی کورمک می آرزو
 ایدوردگر؟ و بناء علیه سزدن تازه حیا طلب ایده جک زمانمی
 بکایوردگر؟ یاخود مدهش برحاله بولندیغ مدتجه بکا رعایت ایدوبده
 چکیلور حاله کلدیکم زمان نقض عهد ائلك عزمنده می ایدگر؟ بویله
 فداکارلقلرک اوکوندیکگر قدر دکرنی کوره میورم!

کوکلکزه مجادله دن سزی قورتارمغه چیالایشمن طولای بالعکس
 بگا تشکره بورجلی دکشسگر کی عینی لسان انصاف ایله اعتراض ایدیور.
 سگر. آندن صکرده آغر بر وظیفه درعهده ایتش کی ویردیگر سوزی
 کبرو آلیورسگر. شویله که: بر مکتوبده هم پک جوق مشقت و زحمت
 چکمکده اولدیغکردن و همده کفایت درجهده مشغول اوله مدیغکردن
 شکایت ایدیورسگر. ایوجه دوشونگزرده شکایات موهومه گزه معقول بررنک
 ویرمک ایچون کندی کندیگزه متناقض اولامغه چالیشگر. و یاخود دها
 طوغریسی خلقتکرده اولیان مرائیلی ترک ایدگر. هر نه دیرسه گر دیسگر،
 کوکلکز کوسترمک استمدیکندن زیاده بنم کوکلدن خوشنوددر. نانکور، پک
 رعنا بیلورسگر که کوکلم سزه قارشو اصلا متهم اوله مز! مکتوبگر بیله شیوه
 انبساطیله سزی تکذیب ایدیور. اگر مضطرب اولیدگر بو مرتبه رنگین
 و ظریف کورینه مزدگر. ایشته سزه راجع اولان بیهوده اعتراضاتگره
 بوقدری زیاده بیله. بگا عائد اولان قسمه کچه لم که بالنسبه اساسلی کورینه یور.
 ایکی آیدنبرو بکوردیکمز طاتلی و راحت عمرک اولکی افاده و تقریرمه
 توافق ایتدیکنی حس ایدیورم؛ بناء علیه بومبایتک نظر دقت و استغرا
 بگری جلب ایتش اوله جفنی اعتراف و تسلیم ایلدم. ابتدای امرده بی
 یأس و نومیدی ده کوردگر؛ شمدی مستریخ بولیورسگر. بناء علیه حسیاتمی
 عدم ثبات و کوکلی هوائلک ایله اتهام ایدیورسگر. آه عزیزم، محیا پک
 عنف و شدتله محاکمه ایتش اولیورمیسگر؛ کوکلی اوکر نه یتک ایچون
 برکوندن زیاده وقت لازمدر؛ صبر ایدک. سزی سون بو کوکلک سز گکته
 غیر لایق اولدیغنی بلکه اوکرنورسگر.

بی سزه ربط ایدن سودانک ابتدای ابتلاسنی نه هول وحشیته
 حس ایتش اولدیغنی ادرا که مقتدر اولیدگر چکدیکم عذاب و اضطرابی
 تصور و تمیز ایدردگر: او یله شدتلی قواعد و اصول تحتده تربیه اولدم که
 الک معصوم بر محبت بگا رسوالفک نهایت درجه سی کی کلور ایدی.

اوایله ظن و اعتقاد حاصل ایش ایدم که رقیق القلب بر قیرک آغزندن محبت
 انکیر بر کلمه نك ابتدای صدور یله عفته خلال کلور؛ خیالات و تصوّر اتمک
 اختلالی، جنایتله اقرار محبتی یکدیگرندن تقریق و تمیز ایده من ایدی؛
 بوایلک خطوه حقنده اوایله بر فکر هولناکم وار ایدی که آنکله صوکی
 بیننده هیچ بر فاصله کوره من ایدم. نقصندن درجه نهاده امنیتسز لکم
 تلاش و خلجانمی آتردی؛ محویت مجادله لری بکا عصمت مجاهده سی
 کورونمکه باشلادی؛ سکوتک زحمتی آرزونک غلبه سی یرینه آلدیم.
 سوبلدیکم آنده محو و رزیل اوله جغم ظن ایدر ایدم؛ حالبوکه یاسوئیلی
 و یاخود سزی الدن چیقارملی ایدی. نهایت حسیاتمی کتم و تغیره مقتدر
 اوله مسدندن سزک کوکلکیزک علوجنایی تحریک و تشجیع چالشم.
 نفسی کندمدن زیاده سزه اینانه رق ناموسگری مدافعه مه علاقه دار
 اتمکله کندمده یوق قیاس ایتدیکم چاره و تدبیری حصوله کتورمک استدم.
 اوکرندم که آلدانیورمشم؛ بن سویلر سوبلر کسب خفت ایلدم؛ سز
 جواب و یرر و یرمز تمامیه سکونت بولدم. و شوایی آیلق تجربه بکا
 کوستردی که پک زیاده رقیق اولان کوکم عشق و علاقه مه محتاج ایش
 لکن حواسم اصلا عاشقه محتاج دکل ایش. تصوّر ایدگر، سزکه فضل
 و عفت محیسگر، بومسعود کشفی نه مسرتله اجرا ایلدم. خوف و حشیتک
 بنی القا ایش اولدینی شودرین رسوایلقدن چیه رق خالصانه و عقیفانه
 سومک لذتی طادیورم. بو حال حیاتک سعادتنی حصوله کتور یور؛ کیفم
 صحتم بوندن مستفید اولیور. بونک اک لذتلیسنی هنوز حس و ادراک
 ایدیورم که محبتله عفتک اتحادی بکا یر یوزنده جنت کی کلیور. آرق
 اووقدنبرو سزدن احتراز اتمز اولدم؛ سزگله تنها قالمغه چالشدیم ایسه
 کندمدن زیاده سزک ایچون ایدی؛ زیرا کوزلریگزله ایچ چکشلریگز
 حرمتدن زیاده هیجان خبر و یر یوردی؛ اکر کندی کندیگز و یرمش
 اولدیگز اعلامک حکمنی سز اونوتمش اولسه گر بن اونوتیه جقدم.

آه محبم، جانمك ايچنده حكم سورن حضور و سعادت حسياتي
 حيف كه سزك روحكزه انتقال ايديرمكه مقتدر اوله ميورم ! حياتك اك
 لذتي بر حالندن كمال استراحتله استفاده ايتمكي يازيق كه سزه اوكرته ميورم !
 قلبرك اجتماعنده كي حظ و لطافت بزم ايچون لذائد عفته برلشيور . شو
 بختيار لغزي چكينه جك و اوتانه جق برشي اخلال و تشويق ايتميور . عشقك
 حظوظات صحيحه سي ايچنده اوتانوب قزارمدن فضيلت و عفتدن بحث
 ايده بيلورز .

ايچمدن بيلم نه مكدر برحس سرنما اوليورده بگا ندا ايديوركه
 جناب حقك بزه تقدير ايلديكي اوقات مسعوده بي شمدى كوروب چكور يورز .
 استبالده يالكر غيوبت و آفت و فته و اختلاف كور يورم . حال حاضر .
 مزى جزوى تغيير بگا فالقندن بشقه برشي مفيد اولز كي كليور . خير ،
 بوندن طاتلي بر رابطه ايله مستقراً مربوط اوله جق اولسه ق بيلم بختيار لغك
 افراطى آرزوقده خرابى موجب اولمزى ؟ وصال و تصرف اوانى عشقك
 فنا و زواليدر . آنك ايچون هر درلو تغيير بزجه مضردر . بونده ضرردن
 بشقه برشي قزانه مير .

سكا آند ويريرم، بنم نازلى و بردانه جك محبم، عبث آرزولرك سكر
 و همچاني تسكينه چالش كه آنى هر بار تاسف و پشيمانى و محزونيت تعقيب
 ايدر . راحت و حضور ايله حال حاضر مزك لذتنى طاتهلم . بگا درس
 ويرمكه متلذذسك، بنده سندن درس آلمقندن متلذذمى يم ؛ بك اعلا
 بيلورسك ! درس لمزى دها صيقلاشديرهلم ؛ يكديكر مزدن ياقيشق آلدينى و
 ادب و اصولك اينجاب ايلديكي زمانلرده مفارقت ايدهلم ؛ برى برى مزى
 كورمكه حصر ايدهمديكمز و قتلرى يكديكر مزه يازمقله قوللانم ؛ و الحاصل
 بركون ياد و تخطريله آه ايتمك احتمالز اولان شوقيتلى وقتدن استفاده
 ايلهلم . آه ! احوال حاضر مز اولدينى كجى عمر مزه سوره بيلسه ! فكر

ترين، عقل تنور ايدبور، روح قوت بوليور، کوکل ذوقياب اوليور :
سعادت حالنك نه قصورى وار ؟

اون بشنجي لويثك مستفرشه لرندن مشهور / قونقس دوبارينك
حاميل لرندن دوق دو كيونك موى اليهايه دائر وولتره

ياز ديني مکتوبدر .

افندم !

علويت و فطانتگزی سزی اوروپا دول معظمه سی عدادینه ادخال
ایتمشدر . هرکس سزگله مصالحه اوزره بولغنی دکل ممکن ایسه حسن
نظر و توجهگری دخی قرانغنی آرزو ایدیور .

بنده گز ذات فطانتسماتکره نظر حیرت و حرمتله نگاه ایدن لرندن
بولغنی شرفیه مفتخرم . حق عالیرنده اولان مودت و محبت فوق العاده می
عمم طرف عالیرینه براق دفعه عرض ایششدر . بناء علیه بو مودت
و محبتی اثبات ایچون بودفعه ظهور ایدن بر وقعه دن انتهاز فرصتله عرض
مافی الضمیره مسارعت ایتمک ایسته دم .

لزومندن زیاده اعتماد بیوریلان برطاقم آدم لر طرفندن میدانه « قرال
بدونک سرایی » عنوانی آلتسده برتیا و رساله سی آتقله برابر اثر مجحوت
ذات عالیرینک آثار قلیه لرندن اولمق اوزره اشاعه ایدیلیور . بو رساله ده
نه کیسه دن خوف و احترازی اولان ونه ده کیسه یه حساب و یرمه که مجبور
بولان بر ذات حقنده تحقیر آمیز بعض شیار یازلمش اولدینی کبی لطافت و
ملاحظیه دیلنک ال مستتنا برقادینی دخی ملعونانه بر صورتده تزییف و
تحقیر ایدلمشدر . حال بوکه بو قادینی یقیندن طانمق شرفنه نائل اولمش